

Gvangjsih Minzcuz Bau

Guenjbanh: Gvangsijh Bouxcuengh Swcigih Minzcuz Cunghgyau Swvu Veijyenzei

Okbanj: Gvangsijh Minzcuz Bause

Geiz neix 8 banj

广西民族报 Aenhauhokbanj: CN45-0036 B.2021 Nd.12 Ng.15 Liggaueq sincouj nienz ndwenit cibngeih

Geizsoq: Gungh daih 3503 geiz

Gvangjsih Bi Ndaem Ndaej Maenzdoengzlingz Bang Bouxguhnaz Laisou Ca Mbouj Lai 30 Ik Maenz 广西年产鲜薯助农增收近 30 亿元

Seizneix, youh daengz seizciet ndaem maenzdoengzlingz seizcou-doeng Gvangsijh bi ndaem baez. Ciuq cam rox, bineix daengx gih seizcin sou maenzdoengzlingz najdieg miz 83 fanh moux baedauq, bi ndaem ok maenzdoengzlingz 65 fanh dun, bang bouxguhnaz laisou ca mbouj lai 30 ik maenz.

Geij bi neix daeuj, Gvangsijh yawjnaek ndaem maenzdoengzlingz lailai. Cingjhab nungzyez, gohyenz, sonhag, doigvangq daengj rengz gisuz, okdaiz aen biucinj deihfueg gwnz gozci aen daih'it "son dinfwngz

ndaem maenzdoengzlingz goemq fiengz mbouj yungh raeq", maenzdoengzlingz ndaem ndaej bingzyaenz moux 2000 goenggaen baedauq, ndaej boux lauxhangz yenzgiu maenzdoengzlingz Sunh Veiswng h aenh baenz "Ciengz gwzming dajndaem ndeu, haicauh le seiqgyaiq vunq-sik".

Caengz dem caengz dingh cwzyin, youq daengx gih laeb miz 85 aen dieg guhyiengh dinfwngz ndaem maenz baenz lai bak moux doxhwnj. Song bi neix daeuj, gungh youq 14 aen cungdenjyen (si, gih) guh hong cau-

laeb dieg ndei ndaem maenzdoengzlingz, najdieg ndaem, soq baenz maenz ciemqbeij cungj mauhgvaq daengx gih 50% doxhwnj.

Yungh doigvangq "gunghsw h + nungzhu" "hezvei + nungzhu" daengj guenjuh fuengsik, caeuq "haeux-caeux baenz vaiq + haeuxlaeng baenz vaiq + seizdoeng ndaem maenzdoengzlingz" "haeuxcaeux + haeuxyangz diemz + maenzdoengzlingz" "haeuxmiuzngeih + maenzdoengzlingz seizcou + maenzdoengzlingz seizcin" daengj bi ndaem sam miuz. Guh doenghgi neix le, bouxguhnaz fanj-

dauq lai gyaez ndaem maenzdoengzlingz seizcoudoeng, ndaw gih rog gih haujlai giyez, bouxak ginghci, boux guh nungzcangz caeuqfaenh huhu.

Bi'gvaq, Gvangsijh Bwzfan z Gveicungj Nungzyez Gisuz Gunghsw h youq Bozbwz Yen doenggvaq "gunghsw h + gihdi + ranzgungzhoj" vunqsik ndaem maenzdoengzlingz seizdoeng 509 moux, bineix maenzdoengzlingz seizcin gujsuenq moux ndaej 2892.9 goenggaen, huq gai daengz hawciengz Dunghnanzya.

(Dangz Gvangjswng h Fangh Gyanghlingz Vangz Swjgenh)

Yungh Vahdeihfueng Cienz "Sing'yaem Dangj"

用方言传递“党的声音”

Ndwen 12 ngoenz 9, Libuj Si Bujluz Yauzcuz Yang h Gyauzloz Cunh guh hozdung yungh Vahyauz gangj gij cingsaenz Cibgouj Gaiq Roekcung Cienzhoh, yungh vahdeihfueng gangj gij cingsaenz aen hoih hawj gyoengq vunz. Yungh vahdeihfueng cienz "sing'yaem dangj", hawj gyoengq vunz dingq ndaej rox, geiq ndaej maenh, hawj swhsiengj moq lijulun moq, haeuj uk haeuj sim gyoengq vunz bae. Ndaw doz dwg bouxguhhong gangj gij cingsaenz aen hoih hawj vunzlai dingq.

(Cungh Cunj Cungh Gozywnz ingi)



Gveilinz Si Hai Hoih Cienz Hag Gij Cingsaenz Aen Hoih Hong Cunghgyau Daengx Guek

桂林市召开传达学习全国宗教工作会议精神座谈会

Ndwen 12 ngoenz 10, Gveilinz Si hai hoih cienz hag gij cingsaenz Aen Hoih Hong Cunghgyau Daengx Guek.

Aen hoih cienz hag gij cingsaenz gangjvah youqgaenj Siz Ginbingz youq Aen Hoih Hong Cunghgyau Daengx Guek. Giengzdiuh aeu cienzmiengh, caezcingj, cinjdeng hag rox gij lwnhgangj youqgaenj Siz Ginbingz cungjshgi mizgven hong cunghgyau, mboujduenh daezsang rengz buenquenh cwngei, rengz roxyiuj cwngei, rengz caephengz cwngei, cietsaed demgiengz "seiq aen eiqsik", giendingh "seiq aen gag-saenq", guh daengz "song aen henhoh", genhciz dangj daiqlingx hong cunghgyau, eifap guenjieix hongsaeh cunghgyau, mboujduenh haicauh aen gizmen moq hong cunghgyau aen si neix.

Aen hoih naeuz, aeu nyinhcaen hag rox gij cingsaenz Aen Hoih Hong Cunghgyau Daengx Guek, cietsaed aeu swhsiengj caeuq hengzdoengh doengjit daengz gij baijbouh iugouz

Dangjcunghyangh mizgven hong cunghgyau. Cienzmiengh gvancez gihbwnj fuengcim hong cunghgyau dangj, cietsaed guhndei hong "son", gaemdawz gienz cawjdoengh hong cunghgyau maenhmaenh bae. Laebcaez aen gihci hong cunghgyau, cauhaeb aen gwzgi z ceihleix hongsaeh cunghgyau dangjveij daiqlingx, cwngfuj guenjieix, ndawbiengz boiqhab, cunghgyau gaghaed, gyagiengz hwnqguh sam aen doih hong cunghgyau, genhciz eifap guenjieix hongsaeh cunghgyau, mboujduenh daezsang naengzlig caeuq sui jbingz yungh fap guenj hong cunghgyau. Genhciz yungh sevei cuji y vaedsim gyacizgvanh dazyinx, hawj cunghgyau guek raeuz lai miz daegsaek Cungguek. Haeujcoengh dazyinx cunghgyaugai gyagiengz gag guenjieix, cienzmiengh daj yiemz guenj cunghgyau, haenq-rengz cau h yienghsiengq moq cunghgyau Gveilinz seizdaih moq.

(Liuz Siujlinz)

Cuengh Gun Song Vahsaw Hag Coenzgim

壮汉双语学金句

Aeu gyagiengz dangj gyonjcomz doengjit daiqlingx hong laebfap, aeu gajgwz hwngef at gezcwz caeuq laebfap gezcwz engqndei giethab hwnjdaej, dungjcouz doicaenh ndawguek fapceih caeuq nangqdaengz rogguek fapceih, dungjcouz laeb gajj feiq gej bien, gyagiengz gizdieg youqgaenj, gizdieg hwnqmoq, gizdieg nangqdaengz rogguek laebfap.

—Siz Ginbingz bi 2021 ndwen 10 ngoenz 13 daengz ngoenz 14 youq Aen Hoih Hong Yinzda Cunghyangh gangj

要加强党对立法工作的集中统一领导,把改革发展决策同立法决策更好结合起来,统筹推进国内法治和涉外法治,统筹推进立改废释纂,加强重点领域、新兴领域、涉外领域立法。

——习近平 2021 年 10 月 13 日至 14 日在中央人大工作会议上的讲话